



Hringbrautarverkefnið – staða framkvæmda

- Stór verkefni framundan hjá NLSH
- Opnun tilboða í verkeftirlit (The Engineer) vegna byggingar á nýju þjóðarsjúkrahúsi
- Framkvæmdir við bílastæði á lóð Landspítala við Kringlu
- Framkvæmdir sunnan og vestan við Eirberg
- Frágangur norðan við Eirberg
- Frágangur sunnan við geðdeildarbyggingu Landspítala
- Vinna við bílastæði vestan við Gamla Landspítala

Stór verkefni framundan hjá NLSH



Mörg stór verkefni framundan.
Gunnar Svavarsson er framkvæmdastjóri NLSH



Kynningarfundur NLSH vegna
uppsteypuverkefnis.
Ásbjörn Jónsson, sviðsstjóri verkefnasviðs NLSH,
kynnti verkefnið.

Mörg stór verkefni eru framundan hjá NLSH og ber þar helst að opnun tilboða í uppsteypuútbóði á nýju þjóðarsjúkrahúsi verður 28. ágúst hjá Ríkiskaupum. Gunnar Svavarsson, framkvæmdastjóri NLSH segir að fimm fyrirtæki hafa verið metin hæf til að annast framkvæmdina og þau eru Eykt, Íslenskir aðalverktakar, Ístak, PG verktakar og Rizzani De Eccher S.P.A. – Rizzani De Eccher Ísland ehf. og Þingvangur ehf., sem bjóða saman í verkið. Uppsteypuverkefnið mun standa yfir í tvö og hálf ár. Uppsteypuframkvæmdin er ein af stærstu opinberu framkvæmdum síðari ára á Íslandi. Gert er ráð fyrir því að samningar verði gerðir við eitt af þessum fyrirtækjum í september og að hafist verði handa við uppsteypuna í október næstkomandi. Einnig hafa nýlega verið opnuð tilboð í verkeftirlit vegna uppsteypunnar og útbóð stendur yfir vegna vinnu við jarðvinnu og uppsetningu vinnubúða vegna framkvæmda við nýjan spítala.

Opnun tilboða í verkeftirlit (The Engineer) vegna byggingar á nýju þjóðarsjúkrahúsi. Öll tilboð voru undir kostnaðaráætlun.



Opnun tilboða hjá Ríkiskaupum

19. ágúst voru opnuð tilboð, hjá Ríkiskaupum í útboði nr. 21246 í þann þátt Hringbrautarverkefnisins sem fellur undir verkefirlit og rekstur The Engineer sbr. Fidic samningsskilmála, í tengslum við uppsteypu á nýjum meðferðarkjarna í Hringbrautarverkefninu.

Fjórir bjóðendur skiluðu inn tilboðum en einnig var skilað inn tæknilegum gögnum sem krefjast hæfis- og hæfnismats til þess að viðkomandi tilboð gildi.

Kostnaðaráætlun er 508.196.640 kr. (án vsk)

Tilboð bjóðenda voru eftirfarandi án vsk. sem nú verða tekin til mats.

Efla hf.	347.310.000 kr. (68%)
Hnit hf.	394.944.000 kr. (78%)
Mannvit hf.	395.760.000 kr. (78%)
Verkís hf.	434.520.000 kr. (86%)

Framkvæmdir við bílastæði á lóð Landspítala við Kringlu



Unnið er við lokafrágang á lóð Landspítala við Kringlu



Búið er að leggja snjóbræðslu og eftir er að helluleggja

Áfram er unnið að frágangi við bílastæði á lóð Landspítala við Kringlu.

Eftir er að ganga frá frágangi á gönguleið á milli bílastæða. Þar verður hellulagt og sett snjóbræðsla.

(Sjá nr. 1 á korti)

Framkvæmdir sunnan og vestan við Eirberg



Vinna stendur yfir við að klára hellulögn vestan við Eirberg



Vinna við hellulögn við Eirberg, séð til austurs að gamla spítala

Unnið er á lokametrinum við að helluleggja vestan við Eirberg en eftir er að ganga frá handriðum. Unnið er við yfirborðsfrágang og lokið hefur verið við gönguleið með snjóbræðslu á milli geðdeildarbyggingar og Eirbergs. Áætlað er að þessum framkvæmdum ljúki um mánaðamótin ágúst/september. (Sjá nr. 2 á korti)

Frágangur norðan við Eirberg



Eftir er að steypa og ganga frá merkingum út af gjaldskyldu við bílastæðin norðan við Eirberg



Unnið frá frágang á nýjum gjaldskyldumerkingum við Eirberg

Unnið er við frágang norðan við Eirberg þar sem eftir er að steypa og ganga frá gjaldskyldumerkjum við eyjar sem hafa verið hellulagðar. (Sjá nr. 3 á korti)

Frágangur sunnan við geðdeildarbyggingu Landspítala



Vinna við aðalinngang við geðdeildarhús er að mestu lokið

Frágangur við geðdeildarhús er að mestu lokið en eftir er að ganga frá kantsteini við bílastæði fatlaðra.
Einnig er eftir að ganga frá uppsetningu á nokkrum lömpum á ljósastólpa og það verk verður unnið á næstu dögum.
(Sjá nr. 4 á korti)

Vinna við bílastæði vestan við Gamla Landspítala




Framkvæmdir vestan við Gamla spítala, eftir er að helluleggja og að ganga frá handriði

Frágangi við bílastæði vestan við Landspítala er ekki lokið.
Búið er við að leggja snjóbræðslu og eftir er að helluleggja.
Einnig á eftir að setja handrið á gönguleið frá bílastæði að Gamla spítala.
Verklok eru áætluð í lok ágúst
(Sjá nr. 5 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is
Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is